

ZOT DOMINER

Gouvernman Sesel in depans larzan pour met bilbord 'Nou kontan Sesel' partou anvil. Zis zour nominasyon bann kandida pour eleksyon, bann bilbord in fini ganny tire lo zot kadre-

man pare pou ganny ranplase par bilbord James Michel koman kandida prezidansyel. Eski zot pa onte servi larzan Seselwa dan sa fason? In ler pour Seselwa tir sa bann alibaba o-pouvwar akoz zot oule vol nou gran lizour.



Zot fors Seselwa koze

Msye Pierre Domingue in koze!

Sa sistenm lesklavaz Parti Lepep in fini en kosmar pour bokou Seselwa. Zot pe sitan perdi sipor ki zot pe servi lafors pou fer dimoun koz pour zot. Semenn pase zot in monte menas en zenn onm pou koz pour zot lo fesbouk. Zot in dir li ki i dwa lakaz ek lo'n pour son biznes e si i pa donn en intervyou zot pou pran son biznes. Pov dyab in bezwen al fer intervyou.

Eski san menm sa ki

nou apel en leker pour tou Seselwa? Pour konbyen letan tim James Michel pou fer Seselwa soufer? Tou fason larzan pa ni pour zot me i sorti dan kof leta kot tou Seselwa i kontribye. In ler pour Seselwa met en fren avek sa bann kalite persekisyoun. En vot pour James Michel se en vot pour plis persekisyoun.

Koste Seselwa



“Mon konn Pat depi Langleter ler i ti en etidyan. Nou'n marse ansanm. I en dimoun serye; mon konnen i serye akoz mon'n frekant li. Mon ankor byen ek li ziska ozordi; i en dimoun serye ki pour kapab met en lord dan ladministrasyon sa pei. Lord ki nou bezwen dan ladministrasyon sa pei. Mon annan konfyans Ton Pat pou fer li!”

PATRICK GEORGES PILLAY



Oli bidze, Msye Misel?

James Michel i kapab esplik Seselwa kote larzan pou sorti si li i pa prezant bidze pour lannen prosenn. Eski i pe mazin Seselwa ouswa zis Parti Lepep ki dan son latet? Bann manm Lasanble Nasyonal pe travay pour lekel? Pour Seselwa oubyen pou Parti Lepep? Eski zot pa onte pran plis ki 30 mil roupi lafen-dimwan me zot refize fer zot travay pour donn Seselwa en bidze pour lannen prosenn? Ler James Michel i perdi eleksyon, eski zot pou vot bidze pour Seselwa ouswa eski zot pour kontinyen fer politik ek larzan sa pep? Seselwa pour ziz zot.



“Mon rapel en parol. Nou ti ganny dir i annan ki anvivin Prezidan e pa konn koz kreol. Mon dir i annan ki Prezidan ki pa konn koz Angle tou” Alexia Amesbury

Zot in komans zot bann ensinifyan ankor

Parey dan bann dernyen eleksyon, gouvèrnman Parti Lepep in komans kree kondisyon pou fer Seselwa per e enkyet. Zis koman kanpanny ofisyel i komanse, zot in komans zot bann simagri legzersis militer. Tou bato gard lakot Sesel in deplwaye pou fer nou krwar i annan en menas kont gou-



vernman. I neserer ki Seselwa pa tonm dan sa pyez. Seselwa i vwar zot bann simagri e pa pour les zot ganny anbet

ankor. In ler pour zot aret fatig nou bann zonn dan liniform pour rezon politik. Tou fason, zot pour fou en lape byento.

SESELWA I BEZWEN VIZILAN

Seselwa in pare pour donn James Michel en bon ferwel. Napa galimatya i pa pou fer pour esey reste o-pou-vwar. Parey labitid, zot pou kree kankan dan kanton e met

blanm lo bann sipporter lopoziyon. Zot in deza komanse. Semenn pase, zot in tir ‘teargas’ dan diskotek Praslin. Zot pe osi pas kot enn de lakour bann dirizan lopoziyon e entimid zot avek tou sort kalite lensilt. Zot pou osi servi manm lafors sekirite pour met presyon lo serten endividi dan lopoziyon.

vyolans. Annou kit nou lizye ouver e debiste sa bann bakaylo. Zot osi zot annan fanmir e olye perdi zot letan pou fer dimoun per, akoz zot pa reste se zot e pran ka avek zot zanfand? Annou pa farous zot; zot osi zot in ganny ase e pe esper sa zour kot zot pou nepli ganny servi pour kit bann alibaba o-pou-vwar. Annou travay ansanm e nou a liber nou avek sa bann a-toufer!!



**You Get What You Vote For!
So Quit Complaining And Vote!**

Remember to vote November 4th

“Annou Repran Nou Pei”